

箕

谷

詩

鈔

質谷詩鈔卷十七

海昌查揆梅史著

皖口舟夜

春江邀客去明月出城多  
擣鶴雌雄並銜盃髮髮暗鎧光搖  
雪水桅影卓星河且得成歸計鄉心夜奈何

漢陽劉杏垞

泗道

自潁州寓書并寄示小滄浪詩畫冊

有予題句而詩與字皆不似因次其自題原韻四首歸之

拏舟出皖口亟將反於越  
飛書清潁尾轉使容懷結  
漢水日夜東無由挽歸楫  
一鐙風雪中因君百蹀躞

烟雲滃船窓滄浪忽浮几  
其旁嬰武洲試呼禰衡起  
夜夢跨

黃鶴翻然入圖裏紛紛兩漢源小儒徒聒耳  
翩翩四十字未知誰所書牀頭捉刀人自愧良不如譬諸導  
先路珊珊鳴衣裾始信文字緣形迹皆其餘  
危亭倚江臯彈琴召嵇呂不知賓客誰鷗鷺則其主雅游今  
幾時一別亦如雨請君但濯纓豪情自終古

船窗坐雪用東坡北臺韻

江斐狂欲鬪腰纖喚起魚龍結陣嚴春有風情飛楚艷天翻  
粉本入吳鹽連宵鷗夢多迷渚隔市炊烟不上檐却倚檣桅  
詫奇絕百竿新筍矗瑤尖

極天陰噎亂江鴉祖道何人送麴車帆飽要添三尺水裝輕  
偏載滿船花昏黃逼夜寒侵被清白如君笑到家風利便拋

圖畫去篷窗閑煞玉鴉叉

紫沙洲晚泊

天放新晴送客還夕陽晚飯紫沙灣一痕艸尾青林外黃鶴  
山樵雪後山

攔江磯

江合漢彭蠡東趨益驕逞呼洶如六雄得勢快吞併乘颿過  
縱陽陽鳥亦心警誰與迴狂瀾下士不敢請初疑百清猿聯  
臂下溟滓亦如豕涉波低昂見腰領纍纍僑如骨魑魍罔兩  
影椎鑿古未施橫空掣鐵綆江流遭束縛赫怒沸鑊鼎長年  
戒勿喧過險輒稱幸鳴鉦嚇魚龍爆竹迸藻荇爲言春夏交  
水漫石滅頂戾颿苦迂回百觸或一拯陰機之所伏毒更甚

碩曠方從塵壚還聆此發深省

江行雪霽與朱扶莊表弟

志鯤

舳後舒皖山要述舳前齊山兼九華夾江迤里走送客看我  
柔艣搖伊啞南風不競北風競峭帆側翅紛如鴉諸峯雪後  
妙刻劃大者斧劈厓披麻一般鈎勒出清峻別有粉墨天所  
誇仙姿皎皎藐姑射龐眉綏綏盧楞伽篷窗苦吟無一事汲  
水自漉薑芽茶君曾溯源上灌口岷江萬里迴浮槎峨眉倒  
影入艙底盤古積素嬌如花歆鬟掩黛小狡獪奈何縞袂驕  
靈媧而我於此覺奇絕玉螭戲挾船騰拏圓靈濯魄入清冷  
夢醒肺腑生槎枒

哪吒磯

雪峯白何如但照江水黑乍過攔江磯驚魂甫惕息帆迴鷁  
退飛著眼一堆墨簇如枯蓮蓬與水作欹側柁師善避就欲  
南轉指北很比羅刹魔死剩劫灰色地勢轉慘澹去路覺偏  
仄如何波濤閒安心炫怪特殘僧尙兩三意思亦陰賊但乞  
布施錢衝風良自得

池州懷古二首

文選樓荒上不曾羽衣雲帔想飛騰

郡多爲昭明建祠

才華西邸非

無敵孺慕東阿恐未能當壁韶年先化鶴營齋家法有傳鐙  
霸臺一樣賓游盛太息何人說竟陵

小杜清才壓百城摩厘記讀舊題名新詩邗上侔何遜放論  
山東敵賈生中酒無慘緣感遇傷春垂老尙多情可憐牛李

紛爭後祗博湖州太守行

野泊

野泊鳳皇洲其上唯叢祠如山積枯葦狐火照流澌三五老  
埃卒嗚嗚楚媼簾昏黃不敢息辛苦聲酸嘶一夜數喚起營  
擾無乃癡似聞僕輩悟彼亦非無辭夜來數小艇戢伏如餓  
鴟荒雞叫落月水影紛如篩勿謂驚寤寐暴客何可知爾言  
詎不然苟安良足訾莒陋不設備遂爲後世嗤然而行路人  
未肯揣以私從來貧薄者容易滋人疑

池口

酈氏記分水此卽貴池口陵谷有遷變沈碑喻峴首必謂是  
江南從茲達銅扣遂由臨平湖一徑入胥毋泥首吾不知唯

唯亦否否洪流固浩瀚千里限岡阜桑欽特附會顛倒到箕  
斗班志尙有訛韋注亦可糾說經逞新奇暫爾何能久

阻風泊荻港

蒼茫卽前路詖蕩怯風信之字作側搶掠影轉輕迅楚萍東  
復西宋鷁退爲進翩如鴻雁行遶若鸛鷺陣斜飛掣江練瞥  
走盪水鏡胡旋眩地軸禹步幹斗柄初猶蓬根飛漸覺森勢  
勁天聲雷震魯雲氣豕涉晉卸帆儼避讎倚楫尙觀覺喧呶  
慰荒寒棲泊示靜鎮眉舞呼酒船色飢艷神餒孤衾厭鄉夢  
殘燭墮宵燼事固有遲速理本兼逆順百年無風濤奇福蓋  
亦僅

舟次扶莊夜話



烏榜聯翩聚青岑落日銜角聲沈古驛風色禁孤帆舊事鳩  
車小餘寒翠被嚴到家寒食近相約典春衫

遲朱梅齋

咫尺游鱗尺素通稻孫樓近米南宮鬢絲別有成潘岳家具  
移來似葛洪半世相期儒又俠一篷無賴雨兼風江湖載酒  
尋常事醉倒鳩茲我欲東

蟪蛄靈澤夫人廟

嗚咽嘉陵水迢迢白帝城容刀原自古故劍轉無情繡障三  
生影靈旗小隊兵湘娥餘怨慕彈作杜鵑聲

繁昌舊縣

縣廢無城郭人烟小市闌林移一枝塢雲近滿窗山野菜論

錢賤檣烏掠食還故人尊酒約今夕話江關

板子磯弔黃忠桓

百戰誰從壁上觀迎鑾地近陣雲盤石頭已許防蘇峻戲下  
何由忌曲端四鎮盡沙虛北府六朝羅綺亦南冠劇憐一覺  
揚州夢祇作陳餘泚水看

鐵鎖沈江斷未妨英雄草澤識彭亡上游肯信桓宣武一旅  
空存夏少康車下怒鼉才孰式穴中首鼠鬪偏狂子嬰縛作  
降王長故壘蕭條賸夕陽

梁山磯

癡雲慵不醒三日無朝暾不知何風色但見江水渾自從鳩  
茲來積氣排紛緼兩厓若犄角鑿空旁無垠臨流各雄長勢

欲東吳吞西厓校逼迫陡絕誰能捫此時方水落上有百丈  
痕千檣側翅過尺寸悽心魂孤危面目鰲奇頑顛頂髻花宮  
獨縹緲鐘磬飄雲根慧力藉獅象妖獠銷鯁鯁時平一尉候  
險阻何足論春波映大旗畫角吹營門

游兵營駐此防江

### 當塗舟次望青山作

一卷宣城集驚人欲問渠郡章非博塞詩案此權輿青史讀  
還惜殘山畫不如敬亭雲影近髣髴曳仙裾

敬亭山舊有七賢祠所祀頗不

倫予擬改作詩人祠小謝爲主而太白以下流寓爲客以憂去不果

### 陶學士祠

飛渡滁和後軍門仗策迎要遮漢三老論說魯諸生老應星  
文動奇知日角明金華四君子徵幣此先聲

# 太白樓

黃鶴古不死紫鯨騎能飛先生爛醉去不反可憐蟬蛻宮錦  
衣朱樓何年挿霄漢當檐牛斗搖珠璣其南陵陽文脊遠盤  
鬱其北臺城鐘阜咫尺撐荒磯磯水倒影浸翠微下有鮫宮  
虬戶璇爲扉先生死醉不死飢飯顆自瘦采石肥我呼唐時  
月傾吐獻所疑開元天寶十年矣祇有圓魄照見青史如列  
眉長歌當哭多刺譏昭陽禍水悲龍鰲阿犖應讖馳突稀殺  
之誰復爭是非永王璘事猶依稀華亭鶴唳如陸機夜郎遠  
竄還生歸是有天幸非可祈明月於此時了了憐孤羈謂宜  
流鉛淚助之相涕洟奈何殺風景任其從江斐此必妖墓怕  
捉縛爬沙伎倆讒常儀遂使後官阿監强藩悍卒所假借而

月怒遣沈江浮鷁夷月如聞吾語默然無所辭青山如畫落  
酒卮碧紗籠句皆小兒唯見蝸涎屈曲尙似李陽冰字滂喜  
知不然先生幕天席地塗抹盤靈螭我讀先生集爛熟翻忘  
之勿驚四壁烟雲馳恍見泰岱西岳匡廬峨眉詩毫驅巨浪  
翻天池亦如離騷圖經文狸山鬼從湘纍古來蕭齋兩字如  
重鼎尺木此畫真絕奇獨不見清河公子一過先生祠斬新  
百堵潔白如粉脂旁人多嘆蕭郎癡

不寐二首

愁風愁水數江程不寐鰕魚感易生篋裡故衣猶暖我鐙前  
歸影已無卿黃塵尙關衰餘骨華髮難銷却後情彈指二千  
多日別人天相憶各心驚

禪榻虛言學懺除六年樹底坐忘餘  
銜杯恂恍瀕心疾焚紙  
棲迷剩手疏客中值家祭恒自爲文  
遺挂相看渾不似穉魂投抱竟何  
如謂殤子吞聲騎省閒居賦地下煩君侍板輿

過石臼湖書邢孟貞集後

石臼湖春百頃圓葭田葦段小延緣論詩客過墻頭酒泛宅  
家牽舸上船一代公卿知魏野半椽烟水著焦先支流祇合  
通桐汭強作中江愁未然

高淳

殘雪融沙淑雞鳴擊汰行濁醪和夢醉歸路與風爭湖市船  
如屋人烟水作城春陰楊柳外四面櫂歌聲

途次感事陳情寄呈孫大中丞時聞移撫福建四首

頻年手板悔蹉跎謁入歡然縱嘯歌東閣薛宣風力壯南樓  
庾亮月明多全生木雁天還許嫁禍桑邕古未訛慙媿孝章  
天下士孔融書札近如何

中丞亟稱予於顏制府

海外魚龍亦部民天教拄笏看揚塵論才乍許依嚴武奉

詔偏聞借寇恂

公先官閩中

才子雞林驚賈舶上公麟節動星辰

銜恩倘逐傾城出第一攀轅卧轍人

疏入頻聞報政成不將矜氣忤蒼生溫風在扇初無迹全局  
如碁祇得平江上雲烟餘霽色淮南草木有春聲君恩但道  
皇獎少未許皇華滯去旌

似聞公論笑詒癡卽墨應烹未敢辭越劔雌雄無定價楚弓  
得失轉傳疑漂來衆煦嗟何及賞到孤花遇始奇我比樊南

才調劣令狐門下媿新知

溧陽爲陳曼生司馬舊治廨舍有桑連理館恒文讌於  
此繪圖乞詩未有以應歸舟過之愴然有作

瀨水弄激湍臨流翫清影一別已十年重來如俄頃而此俄  
頃間欲使駐光景逝者信有情滔滔勢未肯翻波浸縣樓青  
蓋出飛騁如聽垤澤呼官今竟何等故人昔專城才大非簿  
領虬桑撐晴空仰視不見頂聞之百年人生已訝脩挺下有  
屋數椽僻處得閒冷玉山草堂寬藍田廳壁靜桑有兩枝其一在縣丞署  
駢枝後引臂交柯駕宛頸幢幢蔽萬牛騰騰列五鼎少年妙  
彈碁才人工說餅縱論到晁董博識及燕郢頃刻奪百席須  
臾禿千穎小冠別行輩大被快合併壺燒龔春窸餅鬪陸羽



井居然老湖海莞爾小箕頰解頤匡生忙暴謔鄱陽逞銜銚  
廐卒喧巷月街子訶此時汝老桑婆娑抑何幸桑如以臆對  
離合良可省君看粉墨工但見鬚眉整餘子或嚶嚶著我酒  
寔並郭郎恃偏師旗鼓張且獷使君有介弟亦可使制梃坐  
覺神揚揚醉尙目炯炯酩酊曾幾時恒使夢寐耿晝我留疏  
頑哭君卽荒憬此水似迴腸扁舟路轉永

宜興舟次感懷兔牀先生二首

聞道南湖宿草生石泉榆火近清明權歌送盡桃溪水鳴咽  
山陽笛裏聲

帆影山光映鬢絲買田陽羨尙高貲記來一卷陶人傳水榭  
茶烟過汎時

孝侯祠

義興置郡監旌麾三定江南更倚誰  
太息斬蛟橋下水蘭橈  
惟饗孝侯祠

舟夜

吳榜無多地能容薄宦愁  
碁爭鏖下鹿酒怯髣邊鷗  
天遠春星墮波開野岸浮  
過江今夕夢第一艣聲柔

海樹太守送別皖江舟次奉寄卽次其用東坡聚星堂  
雪詩韻

將行客似將飛葉風不能留更以雪滿城燈火罷元宵江水  
茫茫江路絕故人迢遙清潁尾兵後瘡痍心百折忽聞一騎  
衝嚴寒馬上殘星互明滅交情如此何盛衰但苦光景如電

聖蹠跣華髮晃爛銀朝請宮袍暄錦纈相形正足張吾曹肯  
謂夷然獨不屑長鬚愛我塗墨豬萬紙尊前寫飄瞥燈昏酒  
盡客自去餘事還教阿咸說迴過猶及看梅花吹破西湖一  
枝鐵

無錫道中

乍過毘陵驛春流碧似無陶漁負郭市簫鼓上河圖酒味甘  
逾越人聲軟入吳西神山色好有鳥勸提壺

燈船曲

游龍銜珠光搖入花深處歡喜照郎來懊惱照郎去  
大船鐙嵌月小船如星簾月有缺時節春星無夜無

吳門與孫古雲襲伯夜話

匝月苦飈霾江行路愈迥昨夜泊潯墅轉逆遂爲順風乎似  
故人不復驕且客入門見僮僕驚疑未相認主人倒屣出星  
星雪在鬢齒搖視茫茫瘦骨益孤峻還念京洛游天廐逐八  
駿十年一瞥過役役果何徇堂前三老松偃蹇舊所敬其旁  
伯通廡往往聚廉藺重來埽榻眠一一致問訛譬諸百戰後  
已難合餘燼唯聽松下濤尙若沟筆陣一燈話疇昔辛苦及  
美疢當時辭通侯漢庭趣銷印升沈曾幾時老矣送烏甌我  
尙非山王一笑幸勿擯

過硤石書感

當年攜手此同歸華髮重過願總違塢影山光窓上下梯聲  
簾影地依稀悲來婢學生前語貧甚箱空嫁後衣太息巢痕

都掃盡春風偏見燕雙飛

抵家後招同吳子安家春園及舍弟葑湖肩吾稻生小

集卽興

十年契濶此黃昏瓶罄還嫌酒易渾芋火寒銷殘衲話

謂西林朗

上酒旗風颭故人魂

少白南廬俱已奄化

暫歸燈下猶疑夢垂老尊前

各抱孫郤惱家山煞風景小年無筍迸江村

積堂招同高爽泉胡秋白錢蕙窓

師會

王尺魚

振綱

范

小湖屠琴鳴集盟雲老屋琴鳴爲予作話舊圖分韻得

賞字

一別動十年百歲亦可想況無百歲人僥倖到吾黨春風吹  
酒徒信宿一舟盪先尋兩高峰隔湖畧俛仰次乃及阮嵇不

值輒惘惘湖蓴折釵股江魚獻石頰涎饒筍壓市鼻醉酒盈

盎有友舊五人

謂高庵諸君

此外客三兩無恙各悲喜當歌翻震

蕩高庵讀書山破爛客位膀常時所憩息宋樸蟠百丈陰森  
聚萬怪飛動出脩蟒此樹亦已無荒寒泣龍象來日不可知  
去日日以往病或學禪寂窮復墮塵埃鬚眉各衰老皮骨剩  
骯髒尊前一追憶萬事悔鹵莽走獨投袂起公等太不廣屯  
蒙乃其天分定不能攘千秋要自致此事當慨慷尙記久要  
語齒頰有餘響齷齪知免矣未肯諱侔儻屠侯今健者氣挾  
風雷上治行徹 漢廷恭聞 天語獎三君方盛年會當踐  
息壤如僕最下中馬齒獨校長面目苦老醜見笑夔罔兩然  
且負奇氣所到輒崛強人生離別故如各適莽蒼頃刻迷處

所焉能辨恂悅居然聚巾舄偶坐共軒幌天事益已優春物  
况堪賞君聽簷外聲嚶鳴弄圓吭

西爽閣讀道藏

微言既絕二氏昌佛日道月儒星芒梯霞結構聳小閣雲中  
鐵鳳翔高岡夜深鑿壁透光怪是何影響搖琅房道人謂我  
有眼福却訓夙慧窺曹倉金題玉躡五百縛知有靈園司丹  
黃往年劫火燭爐竈赤明龍漢燒延康唯留此閣屹無恙秦  
灰不得飛宋梁少年識字苦俗學冀摹天篆呵三蒼就中雷  
雷妙符籙詰屈筆畫疑凡將其餘悉索論篇帙百八十萬多  
遺亡有明世廟亟齋醮文成五利爲樂方惜乎青詞工媚幻  
未潤色此成琳瑯荒蕪闕略貽孫子絕少精鑿留粃糠道其

所道要有說成一家言非尋常竊謂此事自識緯鈎河摘洛  
窮毫茫然後陰符及內景戰且學仙誅三彭旁及王遁太乙  
式六丁玉女如姬姜奈何唾餘拾天水道君宮觀侈祈禳石  
藥爾雅定何物亦使卷軸污縹緗浮生擾擾有三憾天一閣  
遠探未遑阿育王塿妙舍利但聞贊嘆無梯航故鄉密邇金  
粟寺迦葉初本堆禪牀巧偷豪奪萬紙盡剩有法鼓鳴獨桑  
一塵未入歡喜海竭來焮掌尋倪楊最目四百六十字臣恭  
校進張君房譬如豪游舍五嶽樊桐縣圃走且僵洞天福地  
一百八浙二十六皆仙鄉此間螭區署西爽坐忘一月繁陰  
涼谷神不死混沌死所恐嘉穀生螟蝗好奇肯復惜晷刻桃  
核已積昆侖傍



移寓吳山道院

經樓跨山阜窮窅臨湖涯雉堞雖巖嶮處卑無由遮湖波與  
目成似客初還家皎然玉鏡臺潤臉呈朝霞南北塙兩枝倒  
影窗上紗雷峯尤近檻咫尺烟路賒記得去時節髻插山桃  
花如何拔之去照水羞林鴉頽然若有言閱世洹河沙焉能  
戴春勝坐使兒輩譁百年此禪友相與游羲媧因之感儔侶  
夜半啼鬼車無已借瓊笈塵想祛紛拏

屠修伯乞題楓庵圖

馬稍彈碁百不干淩滌大宅萬間寬就中一卷斜川集阿父  
無由犯筆端

潛園已落傍人手明月清風值幾錢此日肯堂太奇絕阿亭

乞與剩雲烟

觚觚紛紛持異義聞多聞少總須才如君別有平生語不肯磨稜倒角來

章次白梅竹山莊在西谿最深處

有梅有竹儘高寒選樹矜嚴未許寬多少春風閒草木不曾微倖近闌干

勝來秋雪董華亭曾乞殘僧幾卷經何日白頭成梵隱首楞嚴與雪鷗聽

訪李西齋話舊二首

少年各挈偏提酒忽漫相逢過九谿看竹聽泉三十載堂頭粥鼓到雲栖

邁軸年年此澗阿新詞爭付雪兒歌何當更續吹豳錄一勘  
從來燕樂訛

周南卿三變品茶卷

讀畫纔過穀雨著紙似有松風苦憶歸來堂底幾回杯墮懷  
中

品泉別上中下班史人表相當我欲寄聲坡老汲黯慙亦何  
妨

蘅香吟館爲小曼作二首

一翦湘烟湘水幾番傷別傷春祇恐芳洲杜若二十八宿笑  
人

畫外別有事在春風妙入秋毫解得美人芳草不須作反離

騷

聽秋絕句四首

隱几攤書睡得無風痕月色兩模糊再添幾陣疏疏雨涼得  
燈前肺病蘇

蕭瑟萬籟動虬枝陣馬風檣并一時聽到聞根多斷處此聲  
可許熱人知

酒闌燈灺此時情悟徹人天有代更多謝東風莫相笑最難  
堪是落花聲

商飈纔逐隙駒過又奈寒釐四壁何但覓亂書堆裏坐一生  
倏然古愁多

錢蕙窓桐槐舊館卷

祖構猶存屋數椽  
臯亭黃鶴故依然  
記來選樹行吟地  
愁到觀河皺面年  
秋士本來飄似葉  
夢痕無奈綠於烟  
髻絲儘被閒鷗笑  
江月松風夜未眠

過臯亭

香社人多散扁舟客獨尋  
過橋峰影合轉柁菜花深  
生計隨蜂蝶

半山人家多栽桃李爲業

年光聽鳩鶯遲來問谿女  
羣綠已成陰

偕葑湖妙果山看新綠由徐忠懿公墓循白山望海而歸

衆色來浩然盈野浮夏采人家剩屋脊萬竈沉綠海掩映簷  
篠光渲染更百倍照我鬚眉蒼契濶今幾載春風雖已遙繁  
陰尙相待微徑折可尋游情老未忘梯空上盤陀引遠謝塵

猥帆痕點高豐歌聲逼真宰平生筱下心落拓殊不改昕夕  
倘有閒手板日拄頰

野花二首

繽紛古陌與荒濱開落年年也算春壓髻小簪挑菜女入城  
紅趁負薪人草間點綴叢如繡世外繁華局一新免與東風  
論恩怨不曾墮溷不飄茵

始信文章大塊存一般紅紫鬪朝昏興臺小比還非分蜂蝶  
能來亦感恩儘有草蟲煩著色斷無士女與銷魂賞心別有  
閑風趣醉倒田家老瓦盆

到家雜述

船頭開鷺鳴漸聞水市聲青光遶谿岸竹色紛相迎閭巷各

集賢堂金卷十一  
歡喜老幼盈柴荆入門爭奔走華燭輝軒楹小兒挈新婦俠  
拜先宗祔刀砧久不動已見蒼苔生蒼皇具酒脯尙雜藜莧  
羹仲弟頗憔悴領下霜百莖坐客或不知相謂爲吾兄

山翁顏其居三間百年屋痺溼故依然稍稍換棖桶堂密老  
海棠風霜久摧剝所喜餘條抽過牆如綠繡今年春雨多繁  
花亞可捉引觴飲其下日晚繼以燭頑藤苦糾纏窘若遭縛  
束且愁虺蜴藏陰森生酷毒拉雜摧燒之毋使斷復續先人  
所貽留庶幾生意足回頭語諸昆此語幸相勗

去日辭偏親白髮垂如霜家婦方四十媿媿侍匡牀團圓稱  
上壽扶掖看行裝自言禁涓滴爲汝盡一觴此日苦難得當  
時如尋常子影覓故棲塵迹滯房廊覩聞殊今昔喧寂俱悲

涼鐙前顧嬌女頽然如我長攜之過殯宮老淚沾衣裳人天  
或可接何以通微茫舊時二三婢寒瘦如啼螿或且斥嚙去  
不知誰所攘吁嗟閨闈間卽事多徬徨

春心多蓬蓬秋心恒惓惓別離過中年再見苦難必可憐湖  
海交死生半契濶始猶疑信參近悟露電疾常時襁褓兒十  
不認六七錯立賓客間成行皆子姪赤手無長戈誰能挽白  
日尊中有餘酒谿上有明月作達非吾心惜此好時節旣醉  
勿復言還與老友別

癸未夏五將之畿輔與榕園過梅里馬小眉招同人餞  
飲賦詩贈行奉酬二首

一丈車偏謝宦游灌園圖早慕前脩

時小眉以李武曾灌園圖見示

谿雲頽



掃羊求徑鷗鳥爭迎李郭舟聽雨不辭排日醉阻風轉慰對  
牀愁祇慙摘堦尋途者歷落黃塵老未休

谿上梅花似曼陀春風遲我十旬過話捩秉燭猶嫌短交到  
忘年轉愛多節裡流光懷屈宋尊前詩句敵陰何垂垂華髮  
應官去規我休言五袴歌

機舟吳門待頻迦不至次見寄二首

有幾十年別斯言我亦知歸還偶然遂見倘未嫌遲擾擾餘  
宣髮綬綬念雪眉無由慰行役各已早衰時

悔未隨高適

謂爽

扁舟覓俊游火書聊賀李酒鍾亟呼劉計

左成迂拙裝輕轉滯留卽須邗上權追及渡江鷗

五月六日沈子逸招同爽泉汎舟石湖阻風遂往支硎

吾與庵訪性誠上人爲設伊蒲饌并出示本師寒石所藏彭尺木梁山翁尺牘

石湖烟水清勝侶喚輕舫迢遙楓橋南飄風阻新漲林心無  
定詣鷗意忽改向迥權尋支硎論詩過文暢寒泉喧竹籬獨  
犬吠青嶂自然物外情相賞契微尙本師極精脩佛海乃無  
量以禪通儒書千卷鬱在望廓乎無彼我焉能縈得喪彭梁  
兩尊宿斯詣善提唱翁固大智慧早現壽者相山翁少日懷  
山爲畫小像  
作衲子裝老彭吾未見法性殆相抗疊疊寄柔翰相與證眞妄因  
之撫縑素褊衷藉自廣如侍君子側相形見佚宕豈無佳冶  
游游龍狎驚浪蒲艾信芳華孤蘆敢相况美膳護世城妙義  
祕密藏歸途振靈襟所獲殊已叔

丹徒道中

晚過曲阿北蒼黃落月昏岸容如壁立水色近江渾越絕溝  
通計秦餘黯澹魂遄行將放溜聞記暗潮痕

京口作

伐荻新洲百戰生浮江五馬識還更六朝禪讓文章爛一代  
君臣博鑿成從此霸臺煩作俑本來草澤有炎精清時無用  
緣淮戍競渡何如北府兵

曉過金山不得泊

京口孤圓影江流日夜東樓臺龍寶藏鼙鼓女英雄寬濶留  
初地登臨怯曉風片帆飛不泊惆悵鳥飛空

望焦山

松寥渺天際幽絕若爲羣巴蜀春流盡淮徐樹影分潮雜  
不死老鶴曉猶聞不被推排去迴瀾獨此君

質谷詩鈔卷十八

海昌查 揆梅史著

渡江用東坡自金山放船至焦山韻

柁樓催我過江去一帆高挂天東南舟人日晚不敢渡商量  
暮四還朝三何來風笛起遙浦隔岸楊柳搖眠蠶江心月出  
解笑客篷底瑟縮將毋慙男兒如許怕風浪祇合公府趨潭  
潭五更伊軋出京口欲趁睡熟魚龍酣焦山咫尺近可到俗  
客未許焦先談烟浮水濶過頃刻回睇蝸舍圓如龕塵襟俗  
袂逐商販捉將官裏非心甘頗聞山僧閒田訟世外未淨嗔  
癡貪門前海水八功德如許五濁誰能堪作詩未已到彼岸  
寄我老友西林庵

邗上酬雲伯見贈之作

相對尊前未老身，幾經濯辟此風塵。  
虛傳張翰歸吳地，尙想廉頗用趙人。  
別後文章如瀚海，聽來治行擬風輪。  
玉杯繁露才何等，多與先生作部民。

司李風流或未如，後堂吟事放衙初。  
才高蘇過斜川集，論定班姬續漢書。  
投老幾時耕下潁，瀕行有客醉南徐。  
輕裝多載家門集，俊煞滄江貫月餘。

謁賓谷先生不值，越日枉車騎通刺并餽果餌奉謝二首

海內龍門詆蕩間，不聞蘄絕謝躋攀。  
才名早媿英靈集，

曾選拙著

入聯體

峻望爭投幕府山，車騎漫勞來信宿。  
朋尊猶自滯江

正宗

關薛宣東閣多奇駿未許朱雲一抗顏

士相見禮漫相猜鷗鳥喧呼餽贐回畫餅本慙名士老投桃  
眞見上公才爭疏盧橘吳都賦分餉甘棠爾雅臺却笑溫岐  
太寒乞過淮惟訴旅人哀

揚州詠古

多少開門節度營僖昭偏伯日縱橫肯隨歐九論正朔獨與  
朱三賭甲兵入幕唐賢爭好爵過江秦郡各專城如何一挾  
湘東目未許嚴妝半面成

牙旗颯沓此重關高駢當時已老孱漫說神仙三里霧爭傳  
雞犬八公山後堂巫蠱昏黃影遶郭鶯花慘淡顏笑煞吳兒  
無學術江淮如見異人還

異時開府傍秦郵多許鄒枚劍佩留好士何曾論暮氣引嫌  
原不避英流新簣自按仙人掌紅粉爭迴御史頭苦憶吳趨  
行乞地玉簫聲不似揚州

汪小韞供硯圖

擁髻春風髣髴重九枝鐙下墨華濃硯山別有奇峯起不是  
蘇家怪石供

京夜霜華襲綺紈鯨魚翡翠一鐙看凡夫卿子猶寒乞祇向  
人間賦考槃

鵬鵠分明著眼回真從湖海識清才洮洮鹽鐵河渠議多要  
商量玉鏡臺

秦晉居然敵國豪當奩禿盡萬霜毫兩家旗鼓多無敵可要



牀頭覓捉刀

陳澄懷招同楊芸士汎舟由平山堂至桃花庵作

湖光負城陰林影俯郊隧臨流寫明瑟隔岸借幽閼魚鳥如  
一家共此十里內心空撰自殊目攝神不匱相見慘淡初妙  
於取向背虛堂陟崇阜遵塗企遺愛迹勝轉無人綠滿不見  
地言尋桃花庵恍然竹林寺崇祠擬四賢歐公應久遲旣愜  
紀羣游還結支許契悠悠望古情慰此習池醉

失題二首

終古繁華敵五都綠楊城郭未全蕪爛羊門巷金銀氣打馬  
春燈士女圖避債鶯花猶設譙算緡江海乞蠲租誰憐嚴道  
銅山下諛墓還求鬼董狐

如山峻望絕重闌尙記車中舊吐茵避客計多工示疾入時  
官不諱憂貧樊川議論言爲罪遼海文章却有塵知是馬牛  
風未及階前長揖已如春

記夢二首

傷心時節犯春寒痛定還當泡幻看二十日間何涕淚算來

海水亦應乾

先太孺人與吳孺人之喪相去半月耳

諸天祇在此心間但說神通亦等閒證到修羅長手臂可能  
移得鐵圍山

淮角樓至寶應

曾從酈注認樓名歲歲防淮費水衡隔岸青蘆帆半截入湖  
黃水牖干聲星辰倒影城痕白焚槩如山夜月明倘溯胎簪

桐柏上營田使者一經營

邵伯湖晚泊

湖陰落日鬪珠光  
繫纜相排作雁行  
乾鵲鳴爭風上下  
濕螢飛與水低昂  
黃梅簑笠昏初雨  
白紵船窗夏五涼  
咫尺文游臺下過  
鰕魚無寐坐茫茫

露筋祠

女蘿風色颭靈旗  
貞木高寒儼翠微  
梅雨未晴淮水上  
搖天青草亂蟲飛

淮安

浦接袁公路孤帆趁曉雞  
河聲高壓屋城影矮平堤  
啼鳥方音換精藍法物齊  
山陽一聲笛向秀劇悽迷

曼生舊爲海防于此

淮陰詠古

淮陰地蕩蕩淮流石齒齒  
中年少三千年無一少年得其  
似見賞沛小吏然疑漢腐史  
非非全非是非是君臣亦論曲  
直耳左袒右袒可比視與其  
作假王毋寧爲國士高臺並不  
釣鮑魚大澤可憐飛野雉守  
冢萬家多乞糞一杯止轅釜  
邱嫂侯區區進食漂母報爾  
爾相君背徹太狂躡王足良  
可恥一軍皆驚動天子不自  
銷印鑄印始獨不見壩上真  
將軍細柳威名終餓死

由清江渡黃河作

勝下橋邊過洪流百里聞淮徐  
三代異旱澇一河分白日澹  
於月黃塵莽入雲眼前飢渴在  
使者水庸勤

堰頭阻雨

旱農久值潦喜若兒得乳當其未得時笑啼不自主翻手頃  
刻間婦子喜相語枯苗方雨立安排著曰杵客子衝泥來昨  
日過湖潯如釜懸見底那可通淮浦忽然萬馬攢層霄射飛  
弩行辱絳人泥住抱尾生柱躑躅驅雙輪倉皇近百堵市人  
大歡慶謝雨具酒脯成隊鳴鉦鐙入社伐鐘鼓拍手諸兒童  
喧言客太苦淋漓涉波豕竄撮乘車鼠客子冒僕夫山行正  
宜暑孰使計拙提其咎實在汝僕夫亦不行轉以怒其御御  
者更有辭豈不知時序或者乘其隙功固在牧圉客子笑止  
之功罪皆無與豐凶所繫大豈獨此行旅但使各霑足何妨  
更淹處

駱馬湖

淮徐多大澤塵壑轉漫漫未見黃河笑翻愁后土乾荊檻高  
避水葑草聚生寒莫易言耕鑿河渠占要寬

雨後行湖中

五更出戶雷殷闕車行十步九步顛爛泥幾尺黑似水新蘆  
四圍青到天半氈箱外草敷坐一簞驢背聲驚弦迢迢芻飯  
向何處遠岼高樹浮村烟

荀卿墓

嶧山殘碣草蕭蕭車過曾無魯酒澆弟子門墻秦法吏文章  
戰國趙儒臬一官遠道年垂老三代遺聞世未遙到底蘭陵  
擅詞賦未容屈宋傲清僚

邳州渡河作

宿遷至下邳一日三渡河輿夫昨夜已竊議有豕白蹄方衝  
波俄頃風雨龍赴壑河伯心驚望海若偶然間道得陳倉渡  
口行人噪如鵲行人渡河居人啼少年壟斷河東西潰隄壞  
岸作生計那見超乘行如飛如飛又見行人下橋斷洪流百  
丈跨路旁別有居奇人一壺千金索高價獨漉獨漉愁復愁  
勸公無渡彈塋篋馬行滅頂車沒腹拔河連組轉車軸如螳  
奮怒兩臂當似蟹橫行八跪捉車輪壓人人爭擎浮萍轉重  
車輪輕亦有纖兒赤兩股篤速能爲鷗背舞翻身旋趁浪花  
高引馬踏波如踏土夕陰沙際聞嘶風落日大與車輪同倉  
皇野店一河隔市人爭言行不得入險出險俱偶然亂流到

門天未黑

嶧山

淮黃劃地紀風景殊江南平原莽千里蕩蕩舞兩驂直從邳  
州北始見浮烟嵐其右挾漕河其左東海涵征輪出其間沙  
石紛相參忽覺耳目異孤髻撐瑤簪心知鄒嶧近僕御故未  
諳飲馬問土人果然被所領庚庚積精氣炯炯浮青藍詭狀  
不外鑠正色多內含岱宗未升陟具瞻先所矧譬如望聖門  
峻極何由探一見顏曾行已覺萬象函因知積塵內器局皆  
可覘餘峯非不佳自然輪尊嚴

由中山店曉行至兗州

畏暑行應早當轅曲尺眠磚樓村戌月土銍市門烟犬吠沙



頭影驢驚柳外鞭農夫方幸澤細火夜犁田  
泗水橋邊路輻輳過兗州微茫雷夏澤睥睨嶧山秋上藥售  
膠井輕衫製繭綢行行好風景欲去重遲留

滕縣懷古

濁世佳公子猶餘卜正封中原無霸主游客有神農鄒嶧山  
光近棠梨野色濃上官疑竊屨此意竟何從

鄒縣謁孟子廟

七雄方擾攘夫子獨躊躇禹稷身空在春秋世已無岱高雲  
遠近雷坼樹生枯肯與荀楊比還嗟吾道蕪

東阿

太史文章霸將軍草澤雄居然成帝紀強欲王關中叱咤爭

秦鹿倉皇失楚弓陰平非走死肯不渡江東  
邈矣黃初盛諸王禮數優賦才驚屈宋交誼重應劉已謝當  
塗識先開六代愁劇憐兄弟意僥倖免泉鳩

荏平

我亦風塵落魄行村烟猶認古荏平眼中火色生何幸世上  
窮愁事本輕才可捉刀天子識酒能洗脚市人驚煩他鐵撥  
銅琶手彈出當年逆旅情

才大真能結主知暫教不見卽相思遭逢直欲逾宣室恩怨  
偏難免浚儀佳宅有圖貧不碍昭陵埋骨相尤奇可憐未到  
知非死消得中書令幾時

柳下惠墓

夫子猶三黜真悲直道窮貪廉兄弟異哀誅婦人工談笑兵  
戈外浮沈獄訟中牛羊蹊壘上誰與問遺風

汶上渡河作歌

我行汶上有車無楫楫不載車車何能涉汶上滔滔以水爲  
市量車算馬樂我婦子

鼃鼃爲梁雨工逐之蟻螻隤篙師祝之汶水泱泱汶人私  
之爲水斂怨水豈知之

奕奕高碑舟不如橋千椎萬鑿汶人所曉政不在名利不徇  
俗誰謂興頌必無謠詠

東平阻水作

溽暑多淫雨北轅皆山行僕夫畏顛頓苦謂湖路平且聞汶

濟間土裂無春耕何爲就險巇而不由夷庚從來奴輩言初  
若極可聽改轍遵坦途念其犬馬誠自過駱馬湖十日九不  
晴行看山澤通漸見溝澮盈迂迴村落外蛇路交相縈東平  
水驟漲勢若滄海傾迴輪就旅宿撼枕風雷鳴汝言復何如  
相視但目眙慨然太息言萬事徒營營旣避登陟勞又取捷  
徑并豈不甚智巧不愛非人情當其智巧盡徒與萬物爭不  
讀損益卦何以知重輕

宛州道中寄友人

梨棗成陰枳作籬迂迴村落路如碁穿渠泉脉偏多伏近嶽  
山容不敢奇過雨輪蹄豁暈確晚涼麻菽影離披車箱小筆  
爲俳體乞與消炎一解

東平城中有父子狀元坊比渡河於道旁見梁顥墓碑  
有作

學究卮言亦可憐何曾藥榜見華顥病夫愛說長生術寒女  
爭誇晚嫁年經卷有名千佛共胡蘆依樣一家傳當時泰岱  
東封榜可似陰山諫議賢

宋史梁顥卒年四十有二老  
生託爲晚達之說以解嘲耳

交河卽目

如陣癡雲晝合圍眼前奇絕寫猶非清天一片大荷葉百萬  
跳珠作雨飛

將近畿輔簡方參軍

廷珩

漸與王畿近遄征夜向晨星連三輔色雷動九河塵甘澤謠  
應徧所渠議正新參軍才且美懷抱幾時伸

商家林

天際含豐澍蛙鳴萬鼓催水從村外轉人入雨中來餅貴薄  
成紙衣生溼上苔怨客多疾苦我馬亦恢噴

景州弔周亞夫

人臣無將將必誅春秋大義應凜如鬻拳閉門豈足訓子輦  
帥師亦特書軍中祇知有將軍此真兒戲輕乘輿震主之威  
乃如此後來餓死遑論餘古言陰謀道家忌其實滿盈尤足  
悸獨不見秦師免胄周北門韓厥執榼當晉君霍光石顯特  
不學參乘之禍苦未覺

溝中車

游手不耕田連阡有田乃在溝水邊溝亦非溝田非田大路

未奉官修填溝中多水飢可憐溝深水漫腹便便男鋤女鋪  
風雨前渾沌鑿死通黃泉路初爲溝流濺濺溝復爲坑坑爲  
淵橫行十步倒九步唯恐牛馬能飛騫側耳喜聽車闐闐却  
從壁上觀迴旋失勢一落水及肩車如北斗翻朝天援手十  
萬青銅錢前推後挽曳且牽行人俱恨轆轤顛出險咄咤加  
以鞭前車已過後復然纍纍若若皆腰纏獨不見東西南北  
人如烟溝邊日日涕泗漣

### 逆旅守雨

落日爭投賃宅錢雨聲先到客車前一燈黯淡無聲晝六鷁  
蒼茫大漏天路黑電光能照乘夜涼水氣欲披綿愁來爲語  
稽山老騎馬如今似坐船

行李多拋五劇旁誰言此老倦津梁水寒尙饜魚蝦味歲儉  
爭聞餅餌香點漆茶湯浮碗碗拖泥衣被濕牀牀儘容郭泰  
留經宿縛帚無勞掃地忙

行役嘆五首

一母腹衆子鼯勉寒與飢啼者一以笑笑者忽復啼而母豈  
有殊啼笑恒難齊此是天地心日夕還棲棲人生好缺望恩  
怨多無幾造物猶有病乃以輕相詆驅車且疾走吾道多坦  
夷

四月下吳門五月過淮浦風晴日杲杲蕩往無所阻驢夫箕  
兼程疾可賭造父時亦雨霏微纔足洗塵土或先或後間曾  
不露徒旅失喜拍車壁天幸乃如許兩驂若有知起作胡旋



舞不然一橫決我行正洲渚君看羣雁翔搖曳天際鵬

適然不足恃微倖良可悲風雷非尹邢相避夫何爲日暮涉  
衛河漸已濫九道河間况窪下陰霾相蔽虧雨工或稍懈血  
肉遭箠笞紛紛萬箭鏃但見白羽磨旱暵輒兩月一雨旬日  
隨豈煩滄海君濯我閒鬚眉坎深乃滅頂次亦浮尻肱百雉  
方在望牛馬無津涯回頭顧僕夫瑟縮曳尾龜昨暮何趨躍  
今日何衰羸所以古君子當安思其危

偏側復偏側車小轉易蹶首塗計利便謂其勢超忽僅篋本  
無多僅足壓銜轡唯有破爛書束似防風骨餘地苦無幾况  
不任搖兀從者鬪健步初實過走卒淋漓百里間頗亦怪倉  
猝陷淖臂引猿涉水背負壓旣無副衣存并少坐具割入門

火亟烘投牀席互奪嗟此同憂患良宜小休息何以慰勞之  
蒸餅大於月

飯亦不得噉酒亦不得嘗逡巡兩天人引我觀扶桑魚龍屏  
纖翳迴翔初見光醒來頗疑似孤燭熒其旁訥聲滿四壁檐  
雨方浪浪牧童得鼓吹此豈云嘉祥念茲觸執行所苦旱魃  
狂炎官撐火繖照我走且僵江南多藥餌投贈充巾箱一潦  
祛炎歊盛夏添衣裳勿言道路難差覺心地涼於此復於彼  
得失還相償澄心觀止水卽事多樂方

將至河間橋圯不得過

長路何漫漫行愁復坐嘆商家林下叱馭行欲濟橋圯但扼  
腕郡城萬堞豎旌麾咫尺相看邈天半橋汝聽我言汝罪實

無奠重土爲汝基萬木爲汝榦藉汝當大路因汝達彼岸原  
以資汲引豈獨飾容觀有橋乃與無橋同橋不任恩嗇任怨  
何時彩虹頽何時白石爛商販自回車駟遞亦中斷安用汝  
據要路津坐使行人各悲惋橋請以臆對公言直河漢此橋  
通京師日夜達郵傳庶幾厯落勞或諒送迎善旱潦異勢吾  
豈知轍迹每隨夏秋換卽如橋下土深淺亦各判坑深極似  
趙長平到此魚龍亦驚竄橋雖橫庚庚有力不能援公等議  
河渠職宜司防捍定使螳垤夷豈任鼠穴灌竹頭木屑有時  
用沙渡繩行向誰看村奴牛鼻尙可浮野老船屑亦可換不  
然乘輿可濟人偶爾何妨不必慣曾不及此乃遷怒何異苦  
冰轉罾炭公今行矣毋多言坐待天晴積雨散

初晴舍車由獻縣登舟

倭遲周道水盤紆始悔將車作計迂  
日色曉含雙珥暈河聲  
寒坵九頭圖客程漸覺風塵倦  
夏潦虛言草木蘇不爲羈愁  
動鄉思扁舟重上似東吳

過邗上雲伯有詩贈行子牙河舟次却寄卽次前韻

異時循吏幾人傳贏得頭毛白  
到顛招隱苦無園半畝辦裝  
勞損俸經年荀卿宦蹟曾游楚  
樂毅豪情尙入燕拋却江南  
好烟水開紅一舸影田田

月夜由靜海決口人淀津泊水村作

飛飛驚鴨學沙鷗說與蟾蜍也  
淚流空濶固然能載月飢寒  
無奈不宜秋

蟻潰年年水拍天  
怒鼉高踞竈觚前  
夜來愁煞漁兒女  
網得銀刀不值錢

浮家多泊柳陰西  
村婦船窗慰勃谿  
記得金釵劃墻角  
水痕差比去年低

燕南十日雨滂沱  
纔免乾封潦又多  
不信直沽三十六  
竟無餘地瀉天河

自東淀至清口

風色東南冷葛衣  
平明送客雨霏微  
驚心萬頃田如海  
一舸青蘆葉上飛

趁集爭喧古渡前  
多攜烏榜擲珊瑚  
鞭災年風景偏如繪  
水市家家具畫船

篙工畏熱裸體戲占二首

搏土依然塊礪心一絲不挂去來今道旁只怕逢糜竺坐上  
何曾免展禽

中流激激動風湍犢鼻輕拋與客看爲語熱場休鹵莽呈身  
容易潔身難

新安舟次

圓萍葉上散村烟遠樹如浮綠到天一笑船頭相俛仰太行  
山色落谿田

巨浸天慳粥飯緣臨流蒿目一瞠然車塵不動烟波濶慙媿  
人間下水船

趙北口

如礪中央地縱橫水漫流鷗鳬清口樹齒蒼大堤秋露迥隨  
查汎年飢抱杞憂定知河內粟早晚慰勸趨

卸裝

獨漉三千里遲迴二十年

予於嘉慶戊辰  
卽掣分直隸

投鞭沈陸海買楫

汎桑田官笑頭銜舊天驚尾閭連數聲行不得飛夢鷗鴟邊  
弛擔皆魚爛炎光况鬱蒸車箱苦一尺衣篋水三升黯若徽  
初漬烘還水有稜長安方米貴與質市人憎

牛腰如束濕半付水沈浮竟短酸寒氣真成措大愁叢殘餘

腦目破爛到春秋尙喜空函達無煩怨石頭

友人所寄書  
幸免沾濡

訪方鐵珊參軍時權雄縣事未歸却寄二首

參軍髯想已於思十五年餘首重回崔李交原非晚定尹邢

避轉似初來一鐙尙憶連牀雨雙轂虛迴隔巷雷倘問勞勞  
行役苦但言我馬亦虺噴

乍見揚塵宦海乾天涯聊作小團樂虞翻知己生何恨白傅  
長安住大難別久瘦還移革帶老來交或累豬肝元方兄弟  
君知否惆悵西湖宿草寒

謂曼生仲恬

將赴深州泊保定南門外

浩然惟瞑色小泊此林坳橋水平連郭桅鐙高過星蓬掀黃  
篋矮灘迫白沙停苦憶嗷鴻在潺湲枕畔聽

勘水深冀間渡滹沱河

漳滏交流滂奈何輕舟八月渡滹河風聲夜圻將軍樹雨氣  
寒連太史河小市論升魚太賤中央如礪草無多鷺絲飽後



渾閒事爭得南村舊鵲窠

八月十五夜泊衡水縣對月

旅泊城南夜波光  
大野寬濁漳流不盡  
明月出無端肯照流  
亡苦何辭道路寒  
漂搖幾村舍婦子可團圓

安州九日

濡易交流地登臨遠勢橫  
寒雲秦上谷斷塹趙長城  
蕭瑟重陽節馳驅拙宦情  
流離方滿野日暮罷飛觥

高陽寒夜被酒雜書八首

燕南趙北暫徘徊  
咄咄難消酒一杯  
顓頊廟拋深雪迫滹沱  
河捲太行來噉鴻  
久已悲中澤猛虎無煩記曲臺  
莫笑秀才寒乞相  
斷壘畫粥此生該

訟庭閒煞幾黃昏，紂絕陰天火不溫。  
積毀已拚烹，卽墨端憂還遣畫監門。  
無人雞鶩爭栖樹，就食魚龍各抱村。  
滿目瘡痕勞嘅息，洹河羞照皺餘痕。

發粟濃恩徧九垓，真看熙攘上春臺。  
諸公衮衮生何幸，下士茫茫唱莫哀。  
未必割雞非學道，卽論畫餅亦須才。  
固然慶厯多君子，作頌還須石介來。

往事銓前笑不支，少年杜默哭叢祠。  
名何負我才爲累，壯不如人老可知。  
弱水風迴船屢却，鈞天綵斷夢猶癡。  
當時國士無雙目，頭白門生媿本師。

謂乙丑下第事

溷跡從同府史胥，羞稱東馬與嚴徐。  
亡弓早釋荆人憾，舉燭虛煩燕相書。  
累到添丁渾似鶴，時得第一孫貧來折券并無驢道。

旁獨酌王尊墓叱馭能行轉愛渠

懊惱重彈貢禹冠謗書盈篋總愁端燕民尙剩悲歌俗齊鹵  
偏爭口舌官退院吏隨風葉散勘書憲與夜檠寒低頭爲語  
鷓鴣道凍雀何從怨紇干

江南淄淄動寒雲觸淚鄉心逼夜分欹枕鰥魚虛比目投桴  
飢雁久離羣思親自媿烏傷縣知子誰如馬服君最憶夢魂  
清絕處過谿桑柘影繽紛

不用愴然用可憐冷腸熱腹自年年中流始覺瓠浮貴敗局  
翻教瓦注全蜡罷暖回三輔澤雪消春散萬家烟典衣一酌  
昇平酒免詠陳郎感遇篇

蜚鴻謠

蜚鴻蜚蜚不過自五月至於六月雨不止息土不肯填呼池  
龍伯來斫高田禾西蜚阻太行東蜚畏淀海南垂北際皆江  
湖鍊水歸土計安在啾啾嗴嗴上告鳳皇鳳皇命豐隆殺九  
嬰大風蜚鴻大歡喜忘其所疾苦鳳皇活我使天下大酺羽  
蟲三百六十尺籍高大半竄入諸鷗梟前呼燕雀後飛鶯搗  
堙城塞市沟浩浩吁嗟乎蜚鴻苦飢梟苦飽

烏鰂謠

烏鰂魚吐沫如虺蜮不作仁魚甘作賊漢庭老吏張趙魂屠  
伯猶餘判尾墨千頭萬頭長子孫中有三窟波渾渾鈎拒爲  
餌羅織爲囚堂堂策策奈爾何鼎鑊開蟻蝨弔褫汝之魄鑿  
汝竅以墨自汚以墨辜刀筆爭誇護命鎧吁嗟乎牽羊醜酒

黑帝祠翻幸堯年九州水

蟣蝨謠

蟣蝨何紛紛生非堯蓋處非禪南柯郡守高官尊叩頭不已  
還稱臣可憐蟲弱如肉不吉蟲大至屋諸侯之國蝮亦毒蝮  
有毒昇炎炎百蟲將軍聚且殲蟣蝨何爲么麼小殲黃泉槁  
壤蚯蚓廉吁嗟乎不鳴不躍草間活敢與雄雞爭得失

癸未除夕

又見湑灘換歲華荒衙疊鼓夜三撾檐水圓作古釵脚憇樹  
交如老畫叉寒盡燭猶燒漢臘春回錢已買唐花白頭未覺  
風情減方勝明朝插髻了

經年飛鳥近觚稜鄉夢還分餞歲鐙玉果犀錢兒兩輩

時仲弟得

第一孫 粃盆鮭菜酒三升一生磨竭窮何礙半夜荒雞舞定  
能醉寫泥金春帖子淋漓老腕尙飛騰